

YÜNGA NGÜ 42

1. Ta te wu bi re guru ta su eyi ne, to me iri ta eyi teka ngu ta te ungu mala ga nina atima muru kuwa ne ta eyi?
-Abala de.
2. Me to ta ngu muru kuwa ta te ena koro ta fu wu da?
-Fu wu Nebi.
3. Nu ba ta ngu de ga muru kuwa ena koro ne ta kaye ta me mala fu wu Nebi ne?
-Gbu kichikpa ka me, Biblia.
4. Wu Israel je ta wu ngu te wu Nebi ka me mala la eyi?
-Abala de.
5. Wu Israel mere ta de wu Nebi ka me ta ne e ne?
-Wu oro ta uwu.
6. Te wu Israel le ta eje ngu te wu Nebi ka me emala ne de ne, wu eje ta ngu ka wu da?
Ka wu nebi ka fiti.
7. Wu Nebi ka fiti emala ta ga ani emala zu ngu ka me, wu mala ta ne ene?
-Wu wü ka Satana.
8. Me je ta gba ka wu Israel te uwu ta eku gba fu wu kuru e te uwu reke muwu, fu uwu kpa akugba fu me esambu kaka ne eyi?
-Abala de.
9. Bala de tengu ne?
-Tengu me wu ta kpo ga wu ku gba fu ni ne bu de komuwu.
-Tengu me wu ta kpo ga wu ku gba fu wu kuru e la de moguma uwu.
10. Kpara te wu ngu teka maguma ni 'bur ne de da?

-Ade me.

11. Me mala ta teke maguma ni nega ne?

-Me mala ga wu maguma ni si 'buru de wu sitingu.

12. Te wu Israel e ku tagba fu wu kuru e ne, wu gara uwu ta ladu te uwu ku gba bu fu me?

-Weyi, wu ta gbe de.

13. Wu Israel te uwu eku ta gba bu fu me ne echi ta ne nga da?

-Wu echi ta nga me de ungu tima ta muru kuwa la.

-Me mere ngu bu kakara nda de.

-Me echin nga wu kpra te wu che kaji ka sitingu, de wu za kaji ka me.

-Me chi ta nga wu kpara gbu ra ka Noah ta de wu re 120 de wuche kaji ka siti ngu de wu za kaji ka me.

-Me chi ta kpa nga wu Israel a fa wu re 200 de wuche kaji ka sitingu de uwu fa nga kaji ka me.

-Wu Israel le ta a che kaji ka wu sitingu de.

-Wu Israel fi ta ga to me ena a iri te wu sitingu ka uwu.

-To me iri ta eyi te wu sitingu ka uwu?

-Abala de.

-Wu Israel fi ta ga me ti ta a mere sitingu de uwu ka wu sitingu ka uwu de.

-Me mere ta sitingu de uwu de?

-Weyi.

-Me to ta sitingu fu uwu (wu Israel) ne bu baka ta te ungu mere de wu kpara gbu ra ka wu Noah ne.

-Me mere ta de nguwa wu Israel de njuka la ta baye?

-Me tima ta wu Assyria fu uwu ta aza nguwa wu israel de njuka la, fu uwu aza uwu baka wu kpara ka tima ka uwu.

Ni Tanga La 2 Miri 17:5-8

5-Fu wu Assyria ta a zoro to la 'buru, fu uwu ta anu gi agbu Samaria teka azoro ue wu re bata.

6-Gbu re 'bazina ka Hosea baka miri, wu Assyria za ta Samaria fu uwu a tima lugu wu Israel gbu Assyria. Fu ungu ta a ö uwu gbu Halah, gbu Gosan fu biri ka Habor gbu Medes.

7-Wu ngu la mere ta 'buru ka e ta te wu Israel duru ta te me ka uwu te kula ta uwu agbu Egypt esa kpa Pharaoh miri ka Egypt ne. Wu kuta gba fu wu gara me.

8-Wu mere ta wu e ka tö te me za ta uwu eyi gbu gbu de wu e ta te wu mirika Israel koro di ne.

-Wu Assyria zoro ta wu nguwa wu Israe de njukpa ne, fu uwu ta atima bi uwu agbu Assyria amere uwu baka wu kpara ka tima ka uwu.

-Wu Assyria koro ta kpa de wu gara wu kpara de wu mgbu ta de wu Israel te wu nye ta gbu to ka Israel ne.

-Wu gara wu kpara te uwu koro ta gbu wu gara wu tö ne le ta me ndowu de, wu kuta gba fu wu kuru e te uwu reke.

-Wu kpara la za ta te uwu de wu Israel te uwu nye ta gbu to ka Israel ne, fu wu to kpara ta atona.

-To wu kpara la ta de wu Samaria.

-Wu Samaria enda'ba te uwu ta fu me te kaji ka uwu , te di le kaji ka me de.

-Zinga ka me koro ta fu wu nguwa Israel de njikpa ne, akoro ta fu wu?

-Judah ne baye?

-Me tima ta wu Babylonia de wu zoro nguuna wu Judah de 'bosu la, fu uwu amere uwu baka wu kpara ka tima ka uwu.

Ni Tanga La 2 Wu Miri 25:1-7

1-Gbu re 'bazina ka Zedekiah ba miri gbu ra njukpa ka fe njukpa ne, miri Nebuchadnezzar ka Babylon anu ta amere gu de Jerusalem. Amgbu ta edede fu ungu ami 'buru.

2-Wu ni ta dede gi gbu fe njukpa de fuye biri ka Zedekiah ba miri la.

3-Gbu ra 'bazina ka fe bala fu tala ta ati gbu su la ema zu ta fu wu kpara eyi ma.

4-fu ndugu ta akuru fu wu bazenge re ta a kpe a tafa gbu biti ede ndugu ede ye ka miri , ö wu Babylonia ta ldu ede ndugu la. Fu uwu ta a kpe to agbu Arabah.

5-Fu wu Babylonia ta amu futanga miri fu uwu a maka ungu agbu Jericho. Fu wu bazengere kaka ta abaya 'buru ache ungu.

6-fu uwu ta a zoro ungu. Fu uwu ta anu de ungu fu miri ka Babylon agbu Riblah, su ta te uwu kolo mgbanga kaka tete.

7-Wu moro ta wu di Zedekiah ö ungu ta echika de Jayi. Fu uwu ta a ni wu Jaja, fu uwu ta a i ungu anu de ungu agbu Babylon.

-Wu Babylonia zoro ta wu ngu wa de 'bosu ka wu Judah la, fu anu ta de bi uwu agbu Babylon amere uwu baka wu kpara ka tims.

-Wu Babylonia siti ta kpa tö ka Jerusalem.

Ni Tanga La 2 Wu Miri 25:9-12 & 21

9-Wu Babylonia churu ta wu kambu ka me, de gba miri de wu kambu 'buru de gbu Jerusalem. Fu ungu ta a churu wu mere zuka wu kambu agbu Jerusalem 'buru.

10-Fu wu bazangere ka Babylon ta a kuru ndugu de ede Jerusalem la 'buru asidi.

11-Fu Nebuzaradan Mere kpara ka wu bazengere ta aza wu kpara tat te uwu nye agbu tö la asidi.

12-Fu mere kpara ka wu bazengere la ta ache wu kpara ka chinga de wu wu mere tima gbu yekavine.

21-Fu uwu ta azoro Judah gbu tö kaye asidi.

-Wu Babylonia siti ta tö ka Jerusalem baye?

-Wu churu ta wu kambu ka me.

-Wu churu ta Jerusalem 'buru.

-Wu kuru ta ndugu de ta ede Jerusalem 'buru asidi.

-Me tima ta zinga kaye fu wu nguwa wu Israel de njukpa la de wu Judah de 'bosu la, tengu wu le ta a fu te uwu te kajie ka wu sitingu de.

-Fu tanga bi wu re, fu wu Judah ta le uwu emgbu Babylon ta aku gba fu me.

-Wu ku ta gba fu me de akusa wu sitingu ka uwu fefe, ayi tata de ungu che ngu fu uwu.

-Tengu me kaye kpara te eche ngu fu wu kparame, fu me ta a ale de bi uwu du agbu Jerusalem.

-Wu Judah mere ta ne e ne ta te uwu du agbu Jerusalem ne?

-Wu fa reke ta wu kambu ka me.

-Wu fa reke ta jerusalme daye.

-Wu fa reke ta ndugu ta te di ede Jerusalem ne.

-Wu Juda ta te uwu du agbu Jerusalem ne wu to ta to iri fu uwu.

-To iri wu Judah ta de wu Jew.

-Te wu Jew ta e nda'ba teuwu fu me ne, wu ta kpa enda'ba te uwu fu wu kuru e te uwu reke de kpawu ne.

-Fu me ta kpa atima gara wu kpara 'bosu azoro uwu.

-Gina wu kpara te me tima ta de wu zoro wu Jew ta de wu Greek.

-Wu Greek za ta esaka wu Jew fu uwu a zoro tö ka uwu.

-Wu Greek egu ta kpa tamu mo ka Greek fu uwu.

-Fu tanga wu Greek, fu me ta atima wu Roman de wu zoro tö ka uwu la.

-Wu Roman mere ta wu Jew a to re suira.

-Wu Roman bere ta kpa bi wu Jew te ru gbe gbe te.

-Iri miri ka Roman ta de Caesar.

-Caesar emgbu ta gbu Rome.

-Wu Roman enda'ba ta te uwu kpa fu miri ka uwu, Caesar.

-Wu kpara te uwu emgbu ta agbu Jerusalem gbu lo ra la ta de wu nguwa wu Jew te uwu de chegboro.

-Wu ta de wu Scribe, wu Pharisee, de wu Sadducee.

-Gara wu chogboro wu Jew ta de wu Scribe (wu kpara te uwu tonon ta ake ngu ne).

-Wu Scribe ta de wu da?

-Wu Scribe ta de wu chogboro wu Jew te uwu eke ta ri me.

-Ta gugu wu kichikpa ta baka te di eleti kimo de.

-Te wu kpara ele ta a ba ngu la, wu bata wunghu fu kichikpa mgboro te uwu enuku ta ungu anuku te wu adudu.

-Tengu wu bi kpara ele ta a tanga ri me ne, fu uwu ta a cheka ga ale de wu ba ri me fu gara wu to kichikpa.

-Wu Scribe de wu ra nde eba ta bu wu ri me ta te di fu kichaikpa la ta fu wu gara kichikpa.

-Wu Scribe ta de tachu ka e te wu ba ta wu ri me ne.

-Ka ete wu Scribe e ba ta wu ri me ne, wu wu ta ga ani wu eyi marekede.

-Bu aba wu ri me ti eyi a mere mu awu uwu marekede?

-Abala de.

-Ka ete wu Scribe eba ta wu ri me ne wu wü ta ga ani de wu sitingu de.

-Bu a bal ri me ti eyi amere mu de wu sitingu de?

-Abala de.

-Bi wu Scribe la wu ta me nda uwu de.

-Wu gara wu chegboro wu Jew ta de wu Pharasee.

-Wu Pharasee ta de wu da?

-Wu Pharasee ta de wu chegboro wu Jew te uwu ugu ta tongu ri me.

-Wu Pharisee ugu ta kpa tamu riri ka me fu wu Jew.

-Wu Pharisee emere ta kpa wu ririka uwu fu uwu a gu totomu fu wu Jew.

-Wu Pharisee fi ta ga ani emere ta wu riri ka me 'buru.

-Kpara ti eyi a mere wu riri ka me 'buru?

-Abala de.

-Ka ete wu Pharisee egu ta tamu wu riri ka me ne, wu ta de tadu.

-Ka ele wu Pharisee egu ta tamu ngu ka me ne wu fi ta ga ani wü ngu ka me eyi 'buru.

-Bu agu tomu ngu ka me ne, te eyi amere mu awu ngu ka me 'buru?

-Abala de.

-Ka ete wu Pharisee egu tamu ngu ka me ne, wu fi ta ga wu sitingu ka ani ma.

-Bu agu tomu ngu ka me la, ti eyi amere kpara njila ka wu sitingu?

-Abala de.

-Bi wu Pharisee wu ta me nda uwu de.

-Gara wu chogboro wu kpara ka wu Jew ta de wu Sadducee.

-Wu Sadducee ta de wu da?

-Wu Sadducee ta de wu chogboro Jew te wu de ta de bi wu e, wu cheka ta nga wu kambu ka me.

-Ka e te wu Sadducee ta de wu e gbe, wu echika ta nga wu kambu ka me ne, wu ta de tadu.

-ka ete wu Sadducee ta de bi wu se ne wu fi ta ga wu sitingu ka ani ma.

-Bi se ti eyi amere mu njila ka wu sitingu?

-Abala de.

-Bi wu sadducee wu ta Me nda uwu de.

-Gbu lo ra la, fu wu Jew ta afa wu kamu bu fu uwu ta abiti te uwu gbugbu.

-Wu kambu ta te wu Jew ebite te uwu gbugbu ne ta de synagogue.

-We Jew ebite ta te uwu esambu ka synagogue ne ta de a mala de atanga wu ngu te Moses ba ne.

-Wu Jew fa ta wu synagogue gbu wu su 'buru.

-Gbu odu ra ka Gima la ne, wu Jew enu ta agbu wu synagogue ka uwu aje wu ngu te Moses ba ne.

-Wu mgbu, agu ta bu tomu wu ngu ta te Moses ba ne.

-Tengu wu kpara la le ta me de ne, wu ngu ta te uwu emala teka wu ngu te Moses ba ne ta 'buru wü.

-Bokote wu Jew le ta me de ne, wu gara uwu ta ladu te uwu le me.

-Wu jew la achi ta nga me de ungu tima muru kuwa ne.